

# Fråværsreglement for dei vidaregåande skulane i Vestland

Vedteke av Fylkestinget 09.03.21  
Sist oppdatert 29.08.2024

## 1. Plikt<sup>i</sup>

- (1) Eleven skal møte presis og delta aktivt i opplæringa.
- (2) Eleven skal melde frå til kontaktlærer/faglærer dersom han/ho må forlate opplæringa i løpet av skuledagen.
- (3) Eleven skal melde frå om fråvær frå første fråværsdag.
- (4) Dersom eleven ikkje har meldt frå om fråvær skal skulen
  - a. allereie dag to kontakte eleven og foreldre/føresette dersom eleven er under 18 år.
  - b. allereie dag ein kontakte hybelbuarar.
- (5) Ved gjenteke fråvær og forseintkomming skal skulen følgje opp eleven det gjeld.

## 2. Fråværsgrense for vurdering i fag<sup>ii</sup>

- (1) Elevar som har meir enn 10 prosent fråvær av årstimetallet i eit fag har ikkje rett til å få halvårsvurdering med karakter eller standpunktkarakter i faget. Læraren kan ikkje setje karakter for elevar med meir enn 10 prosent fråvær.
- (2) Læraren kan likevel gi eleven vurdering med karakter dersom det er dokumentert at fråvær i meir enn 10 % av timane i faget skuldast slike grunnar som er nemnde i punkta 6 (1) og (3) og 8 (2), jf. opplæringsforskrifta § 9-53 fjerde og sjuende avsnitt og § 9-8 andre avsnitt.

## 3. Varsling<sup>iii</sup>

- (1) Eleven skal varslast skriftleg dersom eleven står i fare for å ikkje få karakter (IV) ved halvårsvurdering med karakter eller standpunktkarakter i eitt eller fleire fag.
- (2) Eleven skal også varslast skriftleg dersom eleven står i fare for å få karakteren nokså god (Ng) eller lite god (Lg) ved halvårsvurdering med karakter eller i standpunktkarakter i orden eller i oppførsel.
- (3) Dersom eleven er under 18 år, skal varsel også sendast til føresette.
- (4) I varselet skal det stå om det gjeld fråvær eller manglande vurderingsgrunnlag. Merk at eleven skal ha to varsel om det gjeld både fråvær og manglande vurderingsgrunnlag.

- (5) Varselet skal givast straks det er klart at det er fare for nedsett karakter eller bortfall av karakter, og skal gi eleven høve til å skaffe karakter i fag eller ikkje få nedsett karakter i orden eller oppførsel.

#### 4. Fråvær mellom 10 og 15 %<sup>iv</sup>

- (1) Dersom årsaka til fråværet gjer det klart urimeleg at fråværgrensa på 10 % skal gjelde, kan ein elev som har inntil 15 % udokumentert fråvær i eit fag, også få vurdering med karakter. Det er uansett eit krav om at lærar må ha tilstrekkeleg vurderingsgrunnlag for å gi halvårsvurdering med karakter eller standpunktkarakter.
- (2) Rektor gjer ei vurdering av om eleven skal få standpunktkarakter.
- (3) Avgjerda om å ikkje setje standpunktkarakter etter dette punktet er eit enkeltvedtak som det kan klagast på etter opplæringsforskrifta § 9-16 og §§ 10-. Klagefristen er 10 dagar etter at eleven har motteke vedtaket, jf. opplæringsforskrifta § 10-2. Ein eventuell klage skal sendast til rektor for vidare behandling.

#### 5. Førings av fråvær<sup>v</sup>

- (1) Alt fråvær skal førast på vitnemålet og kompetansebeviset. Fråvær skal førast i dagar og enkelttimar. Enkelttimar kan ikkje konverterast til dagar. Rektor kan avgjere om fråvær for den som er deltidslev skal førast i dagar og timar, eller berre i timar.
- (2) Eleven kan krevje at årsaka til fråværet blir ført på eit vedlegg til vitnemålet eller kompetansebeviset, dersom han eller ho legg fram dokumentasjon på årsaka til fråværet.
- (3) Dersom det er mogleg, skal eleven leggje fram dokumentasjon av fråværet på førehand. Som hovudregel må eleven seinast levere dokumentasjonen innan 14 dagar.
- (4) Organisert studiearbeid, elevråd og skuleadministrative gjeremål etter avtale med faglæraren eller rektor, skal ikkje reknast som fråvær.
- (5) Avtalar med rådgjevar, helsesjukepleiar og pedagogisk-psykologisk teneste skal ikkje førast som fråvær. Eleven har plikt til å dokumentere også dette fråværet.
- (6) Fråværet skal førast av faglærer fortløpande. Elevar som kjem for seint har rett til å ta del i opplæringa, og det skal ikkje registrerast fråvær for undervisningstimen. Fråvær frå heile undervisningstimar skal førast. Oppmøte etter at undervisningstimen har starta, blir som hovudregel registrert som merknad om forseintkoming. Fleire merknader kan føre til nedsett ordenskarakter, jf. forskrift om felles ordens- og åtferdsreglement for Vestland fylkeskommune § 6 og § 9.

#### 6. Fråvær for inntil samanlagt 10 skuledagar<sup>vi</sup>

- (1) For inntil samanlagt 10 skuledagar i eit opplæringsår kan ein elev krevje at følgjande fråvær ikkje blir ført på vitnemålet eller på kompetansebeviset dersom det kan dokumenterast at fråværet skuldast:
- helse- og velferdsgrunnar
  - arbeid som tillitsvald
  - politisk arbeid
  - hjelparbeid
  - lovpålagt oppmøte
  - representasjon i arrangement på nasjonalt og internasjonalt nivå
- (2) For at fråvær som skuldast helsegrunnar etter bokstav a ikkje skal førast på vitnemålet eller på kompetansebeviset, må eleven leggje fram ei legeerklæring som dokumenterer

dette. Fråvæer som skuldast helsegrunnar må vare meir enn tre dagar, og det er berre fråvæer frå og med fjerde dagen som kan strykast. Ved dokumentert risiko for fråvæer etter bokstav a på grunn av nedsatt funksjonsevne eller kronisk sjukdom, kan fråvæer strykast frå og med første fråvæersdag.

- (3) Innanfor ramma av 10 skuledagar kan elevar som er medlemmer av andre trussamfunn enn Den norske kyrkja krevje at inntil to dagar fråvæer som er knytt opp mot ei religiøs høgtid, ikkje blir ført på vitnemålet eller kompetansebeviset.
- (4) Politisk arbeid definerast som deltaking på aktivitet i regi av eit politisk parti, ungdomsparti, politisk organisasjon eller interesseorganisasjon, anten som deltakar eller som arrangør. Eleven må leggje fram dokumentasjon frå partiet eller organisasjonen. Eleven må ha tilstrekkeleg vurderingsgrunnlag for å få karakter jf. Opplæringsforskrifta § 9-1.
- (5) Det skal nyttast eit felles skjema som grunnlag for krav om at fråvæer ikkje skal førast på vitnemål/kompetansebevis. Skjema og dokumentasjon skal leverast til kontaktlærar fortløpande, det vil seie etter kvar gong eleven krev at fråvæer ikkje skal førast etter reglane i forskrift til opplæringslova. Det er berre rektor som har mynde til å godkjenne om kravet skal takast til følgje.
- (6) Det å ikkje godkjenne krav om at fråvæer skal strykast er eit enkeltvedtak og skal følge alminnelege saksbehandlingsreglar etter forvaltningslova.

## 7. Privatistar

- (1) Ein privatist som er elev ved skulen skal ha fri eksamensdagen/eksamenstida utan at det vert ført fråvæer. Dette gjeld både skriftleg og munnleg eksamen. Dersom førebuingstida er del av eksamen skal det ikkje førast fråvæer for denne.
- (2) Det vert ikkje gitt fri til lesedag før privatisteksamen. Dersom eleven likevel vel å ta ein lesedag skal det førast fråvæer for denne.

## 8. Køyreopplæring<sup>vii</sup>

- (1) Det skal førast fråvæer for køyreopplæring.
- (2) Delar av køyreopplæringa til førarkort klasse B er unntatt frå fråvæersgrensa. Det er gjort unntak frå dei obligatoriske delane av køyreopplæringa som det er vanskeleg å kombinere med skulekvardagen. Det gjeld tryggleikskurs på bane (4 timar) og andre og tredje del av tryggleikskurs på veg (5 timar køyring på landeveg og 4 timar køyring i variert trafikkmiljø).
- (3) Rimeleg reisetid vil vere omfatta av det dokumenterte fråværet.
- (4) Det er ikkje gjort unntak frå teoretisk og praktisk førarprøve.

## 9. Verknadstidspunkt

- (1) Fråvæersreglementet for dei vidaregåande skulane i Vestland fylkeskommune gjeld frå 16.8.2021.

### Ressursar:

Utdanningsdirektoratet sine sider:

Telefon	E-post	Nettside	EHF fakturaadr.	Organisasjonsnr.
05557	post@vlfk.no	Vestlandfylke.no	823111632	821311632

<https://www.udir.no/regelverk-og-tilsyn/skole-og-opplaring/rundskriv-om-fravarsgrensen/>

- 
- <sup>i</sup> sjå til Forskrift om skulereglar i Vestland fylkeskommune §§ 5 og 6 (1)
  - <sup>ii</sup> sjå Forskrift om grunnskoleopplæringa og den vidaregåande opplæringa (opplæringsforskrifta) § 9-8 første og andre avsnitt
  - <sup>iii</sup> sjå opplæringsforskrifta § 9-7
  - <sup>iv</sup> sjå opplæringsforskrifta § 9-8 første og tredje avsnitt
  - <sup>v</sup> sjå opplæringsforskrifta § 9-53 første, andre, tredje og fjerde avsnitt
  - <sup>vi</sup> sjå opplæringsforskrifta § 9-53 fjerde, femte, sjette og sjuende avsnitt
  - <sup>vii</sup> sjå opplæringsforskrifta § 9-8 andre avsnitt

Telefon  
05557

E-post  
post@vlfk.no

Nettside  
Vestlandfylke.no

EHF fakturaadr.  
823111632

Organisasjonsnr.  
821311632